

GRAD NOVI PAZAR

SKUPŠTINA GRADA

Odbornička grupa „SDA Sandžaka – dr. Sulejman Ugljanin“

Novi Pazar

15. decembar 2020. godine

GB

15. 12. 2020				
1			0.6-247/20	

**PREDSJEDNIKU  
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O IZMJENI I DOPUNI ODLUKE O ORGANIZACIJI GRADSKIH UPRAVA GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na prvoj narednoj sjednici Skupštine grada.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

**Predsjednik odborničke grupe**  
Ahmedin Škrijelj



## PRIJEDLOG

Na osnovu člana 32. stav 1. tačka 6. i u vezi člana 59. stav 1. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), člana 1. Zakona o zaposlenima u autonomnim pokrajinama i jedinicama lokalne samouprave („Sl. glasnik RS“, br. 21/2016, 113/2017, 95/2018 i 113/2017 - dr. zakon) i člana 34, člana m  
7

4 a6578, člana 81. i člana 82. Statuta grada Novog Pazara („Službeni list grada Novog Pazara“ br. 16/19) člana 137. i člana 138. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara, na sjednici održanoj \_\_\_\_\_ godine, donosi

### **ODLUKU O IZMJENI I DOPUNI ODLUKE O ORGANIZACIJI GRADSKIH UPRAVA GRADA NOVOG PAZARA**

#### **Član 1.**

U Odluci o organizaciji gradskih uprava grada Novog Pazara („Službeni list grada Novog Pazara“, br. 1/2017) **vrši se izmjena i dopuna člana u članu 13. tako što, nakon tačke 17. dodaje tačka 18, koja glasi:**

#### **18. Kancelarija za saradnju sa dijasporom.**

a dosadašnja tačka 18. Kabinet gradonačelnika postaje tačka 19.

#### **Član 3.**

**U Odluci o organizaciji gradskih uprava Grada Novog Pazara („Službeni list Grada Novog Pazara“, br. 1/2017) vrši se izmjena i dopuna tako što se posle člana 31. dodaje član 31a, koji glasi:**

#### **Član 31a.**

**Kancelarija za saradnju sa dijasporom obrazuje se u cilju i vršenja stručnih poslova za potrebe Grada koji se odnose na: ostvarivanje, očuvanje i osnaživanje veze između grada Novog Pazara i dijaspore u oblastima ekonomije, turizma i kulture; stvaranje uslova za integrisanje pripadnika dijaspore u ekonomski i kulturni život Novog Pazara; organizovanje susreta matice i dijaspore u cilju produblivanja saradnje u oblastima ekonomije, kulture, turizma i sporta.**

Aktivnosti Kancelarije su usmjerene ka poboljšanju informisanosti dijaspore o tradiciji, kulturi, privredi i mogućnostima investiranja u Novi Pazar, ali i ka pružanju podrške u vezi sa osnivanjem firmi i njihovog poslovanja, a sve u cilju ohrabrivanja naših ljudi u dijaspori i povratnika da investiraju u otpočinjavanje biznisa na teritoriji grada, od čega bi korist imali oni sami, njihove porodice, ali i lokalna samouprava i privreda zemlje u cjelini.

Kancelarija će obavljati stalnu komunikaciju sa dijasporom u vidu pružanja informacija o novinama u zakonskoj regulativi, uslovima poslovanja i mogućnosti ulaganja.

Kancelarija vodi bazu podataka o građanima Novog Pazara u dijaspori.

#### **Član 4.**

Ova Odluka stupa na snagu osmog dana od dana objavljivanja u „Službenom listu grada Novog Pazara“

### **SKUPŠTINA GRADA NOVOG PAZARA**

Broj: \_\_\_\_\_

U Novom Pazaru, \_\_\_\_\_ 2020. godine

PREDSJEDNICA  
Dr. Anela Šemsović

## **O B R A Z L O Ž E N J E:**

### **I – Pravni osnov za donošenje odluke:**

Pravni osnov za donošenje odluke sadržan je u odredbama člana 32. stav 1. tačka 6. i u vezi člana 59. stav 1. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), člana 1. Zakona o zaposlenima u autonomnim pokrajinama i jedinicama lokalne samouprave („Sl. glasnik RS“, br. 21/2016, 113/2017, 95/2018 i 113/2017 - dr. zakon) i člana 34, člana 78, člana 81. i člana 82. Statuta grada Novog Pazara („Službeni list grada Novog Pazara“ br. 16/19) člana 137. i člana 138. Poslovnika Skupštine grada Novog Pazara („Službeni list grada Novog Pazara“, br. 6/19)

### **II – Razlozi za donošenje odluke:**

Veliki broj stanovnika Novog Pazara živi izvan granica Republike, a njihove potrebe, do sada, nisu prepoznate institucionalno. Grad bi osnivanjem posebne organizacione jedinice ojačao vezu sa našom dijasporom i uspostavio bolju saradnju i komunikaciju.

Ovom odlukom se kao posebna organizaciona jedinica unutar Gradske uprave za izvorne i povjerene poslove grada Novog Pazara uvodi Kancelarija za saradnju sa dijasporom.

Kancelarija će vršiti stručne poslove za potrebe Grada koji se odnose na: ostvarivanje, očuvanje i osnaživanje veze između grada Novog Pazara i dijaspore u oblastima ekonomije, turizma i kulture; stvaranje uslova za integrisanje pripadnika dijaspore u ekonomski i kulturni život Novog Pazara; organizovanje susreta matice i dijaspore u cilju produbljivanja saradnje u oblastima ekonomije, kulture, turizma i sporta. Aktivnosti Kancelarije su usmjerene ka poboljšanju informisanosti dijaspore o tradiciji, kulturi, privredi i mogućnostima investiranja u Novi Pazar, ali i ka pružanju podrške u vezi sa osnivanjem firmi i njihovog poslovanja, a sve u cilju ohrabriranja naših ljudi u dijaspori i povratnika da investiraju u otpočinjane biznisa na teritoriji grada, od čega bi korist imali oni sami, njihove porodice, ali i lokalna samouprava i privreda zemlje u cjelini. Kancelarija će obavljati stalnu komunikaciju sa dijasporom u vidu pružanja informacija o novinama u zakonskoj regulativi, uslovima poslovanja i mogućnosti ulaganja. Kancelarija će voditi bazu podataka o građanima Novog Pazara u dijaspori.

Ova organizaciona jedinica će građanima iz dijaspore biti na raspolaganju svaki radni dan i pružati im pomoć, prije svega u prevladavanju administrativnih barijera i procedura radi pribavljanja određene dokumentacije.

Zaposleni u Kancelariji su raspoređeni radnici Gradske uprave, na osnovu rješenja načelnika Gradske uprave.

### **III – Finansijska sredstva za sprovođenje ove odluke**

Za sprovođenje ove odluke nisu potrebna finansijska sredstva.